



La proxima sfida per la Brass Band Sursilvana ei la participaziun alla concurrenza nazionala da brass bands a Montreux che ha liug la fin november. FOTO A. KOLLEGER

Musica senza cunfins

La Brass Band Sursilvana ei sepresentada a Sent, Vignogn e Domat

■ (gd) «Jeu sun contents dall'emprema stagiun», di Roman Caprez, che ha surpriu il november vargau la bigetta dalla Brass Band Sursilvana. La davosa fin d'jamna ei la BBS, che suna en emprema categoria da brass, sepresentada a Sent, Vignogn ed a Domat cun il concert «Movie Tracks». L'intenziun da vuler derasar buna musica da brass el cantun Grischnun ei reussida feg bein alla Brass Band Sursilvana. A Sent, Vignogn e Domat han las 30 musicantas e musicants presentau in concert d'aula qualitad. La BBS secumpona actualmeind da musicantas e musicants dalla Cadi, dalla Foppa, dalla Lumnezia sco era da Vaz sur.

Uettas musicalas che piardan buca la fascinaziun

Il dirigent Roman Caprez ha bein en maun ses musicants. Era per la tscherna da tocs pil concert dalla fin d'jamna vargada ha il dirigent ed arranschader da 33 onns mussau professionalitad e bien gust. Cun paucas excepziuns ha el tscharnu composiziuns da cumponists contemporans. Uettas musicalas e puncts culminonts han tschaffau il publicum gida dalla bial'antschatta dil concert. Ell'emprema part ha segiramein la presentaziun da «Excalibur» tschaffau il pli feg. La cumposiziun pretensiusa dil Belges Jan Frans Joseph van der Roost ha procurau per tensiun, dinamica e cumplein delect musical. Sper ils solos da bariton, eufoni e cornet han era ils musicants alla percussiuin, als xilofons, paucas e zennis mussau lur habilitads musicalas e ritmicas. Malgrad l'imposanta dinamica da «Excalibur» ed ils ritmus da folc e blues da «Spider's Web» da Katie Melua paran

tocs tradiuzional romontschs sco «Allas steilas» da Tumasch Dolf adina puspei da catar fascinaziun e svegliar emozions e las retschas dil publicum.

Maletgs frappons ed aventuras fantasticas in brass

En la secunda part dil concert ha la musica da film da John Williams dominau. Cun las differentas tematicas da films eis ei reussiu alla BBS da derasar atmosfera galactica ella musica dil film «Star Wars» e fatg meraviglias sin aventuras animalitad. La BBS secumpona actualmeind da musicantas e musicants dalla Cadi, dalla Foppa, dalla Lumnezia sco era da Vaz sur.

Alla fin dil concert da Domat ha Roman Caprez tradiu ch'el hagi contonschiu las finamias ch'el havevi tschentau cun la BBS. Da luvrar e perfeziunar derti ei denton adina ella musica. Malgrad ch'il concert a Domat seigi ius feg bein hagi el il sentiment che la presentaziun a Vignogn seigi stada ina crena pli ferma. Ch'il dirigent oriund da Trin tschenta aultas pretensiuns ha el demussau a caschun dil concert «Movie Tracks».

A caschun dil concert dalla BBS da dumengia vargada a Domat ha la Musica da Domat presentau ils tocs da pag ch'els vengnan a sunar a caschun dalla Fiasta da musica federala miez zercladur a Lucerna.

Mustér: Il chor viril ha concertau

■ (anr/gc) D'Anceinza ha il Chor viril da Mustér dau concert en baselgia parochiala a S. Gions. Sut la direziun da Retus Giger ha el presentau in program fetg variu. Contribuiu grondamein han era la giuvna Ursina Giger, Mustér, sco sopranista, ed il maturand Flavio Bundi, Glion, all'orgla ed al clavazin. La solista frequenta dapresent la scola da cant e musica a Lucerna ed il pianist vegn a far quei suenter la matura. Duront ina bun'ura ha il publicum – vegnius detg stedi – gudiu las produczions. El center ei la messa da Max Filke, en honor da s. Carli Borromeo, stada. Il chor viril ha entschiet cun ina canzun russa da Bortnianski e schau suandar il Sancta Maria, da Schweizer, che ha plaschiu tut aparti ed ha perquei stuiu vegin repetius. La messa da s. Carli Borromeo ei propi ina plascheivla composiziun, vegnida accumpignada da Flavio Bundi al clavazin. Tut en tut ina prestaziun considerabla. – «Il mulin solitari», da Gion Antoni Derings cun text da Gion Luregn Derings, ei canzun gene-

rala alla Fiasta da cant cantunala che ha liug en cuort a Cuera. Cun «Glischn», dad Alvin Muoth e sin text da Victor Durschei, ha il chor viril era gest presentau sia canzun da pag alla fiasta numnada. Igl ei duas fetg bialas ovras da cumponists sursilvans, schegie zun differentas e pulitamein pretensiusas.

Flavio Bundi ha dau l'entschatta al concert cun ina improvisaziun marcanta all'orgla ed era procurau sez per igl intermezzo musical al clavazin. El decuors dil concert ha el accumpignau la sopranista Ursina Giger al clavazin tier composiziuns da Walter Gross/Jack Lawrence, Simons & Marks, A. C. Jobim, Hoagy Carmichael, Luis Bonfa e Joseph Kosma. Igl ei stau ovras da divers stils ed in cert contrast cul cant viril, denton interpretadas en stupenta accordaziun.

Il Chor viril da Mustér cun ses 30 commembers ed ils dus solists ein sestentai da dar il meglir. Els astgan esser contents cun las prestaziuns che han mingacass plaschiu feg agl attent ed engraziavel auditori.

DADO AUGUSTIN BEELI

■ Gia la 13avla gada ha l'uniun Agid a Tschernobil Surselva organisau ina dimora per affons ord la Bielorussia. Dapi in'jamna ein els en Surselva e pasentan gis aventuras en cumpignia. En lur tiara ston els secumentar cun pauc. Enzategi da magliar, ina famiglia, in sut-tetg, ina scola. Dapli enconuschan els buc. Paun jester ha buc in soli d'els magliar. Pils 26 affons ein il viadi e la dimora en Svizra, ellas muntognas dil Grischnun, igl emprem pass naven digl ambient usitau. Igl ei in'aventura captivonta. Tuts affons che l'uniun Agid a Tschernobil Surselva elegia ed envida per ina dimora da quater jamnas derivan da famiglias en pupira.

L'emprema notg cun larmas

Mintg'onn han rondud 30 auters affons il cletg d'astgar viagiari en Svizra. Ellas muntognas dil Grischnun ei l'aria pli frestega che quella ella patria. Quell'aria rege-

nerescha e rinforza il sistem d'immun dils affons ch'ei in pigl auter sauns e frestgs.

Malgrad tutta atenziun e beinvuoglientscha selai la dimora da vacanzas pils affons dalla Bielorussia buca realisar senza larmas. L'emprema notg en in letg jester, 2000 kilometers naven da bab e mumma e dils fargliuns, leventi regularmeind il schar enescher, rapportan ils coordinators. Il detagl «normal» svanescha suenter zacons gis ch'els affons ein endisai e puppergnai en lur famiglias hospitonatas.

Dapi in'jamna sesanflan 26 affons e duas accumpignadras puspei en Surselva. Suenter l'arivada a Glion suenter mesanotg han las famiglias beneventau ils affons stauchels dil viadi. L'uniun Agid a Tschernobil Surselva ha instituiu avon 13 onns in project ch'ei establiu e renconuschiu. Gest perquei han ils organisators buca breigias d'anflar mintg'onn famiglias ch'ei in prontas da dar alloggi als affons.



Ina mattatscha ch'ei occupada cun malegiar. En lur scolas a casa mauncan ils rispials e las colurs.

Pils affons denter nov e 12 onns ei tut jester, la mentalitad, igl ambient, la cuntrada ed oravontur il lungatg. Las duas accumpignadras han ina funcziun centrala duront la dimora da quater jamnas. Ellas visetan mintgigi las famiglias hospitonatas, consoleschan ils affons, translateschan il lungatg russ e cusseglian las famiglias.

Gnanc ina suletta balla el vitg

Igl emprem rapport dall'jamna tituleschan ils premurai coordinators Beat Erb da Flem e Robert Elvedi da Laax cun «Tredisch ei ina cefra da cletg». Igl ei nummadamein la 13avla gada ch'els offereschon ed organiseschon la dimora en Surselva. Igl ei ina fuorma d'agid direct a carstgauns en pupira. Quei sustegn ei pusseivels grazia allas famiglias hospitonatas ella regiun, mo era grazia a biars sponsurs privats, interpresas, mistergers, survetschs turisticis e da transport. Duront l'jamna porscha Agid a Tschernobil in program general per tuts, las fins

d'jamna ein ils buobs e las mattatschas integrai ellas famiglias hospitonatas.

Duront l'jamna rimnan ils dus coordinators cun bus pigns mintga damaun ils affons. Il program variont che l'organisaziun porscha san els realisar cun agid da voluntaris e gidonters singuls, mo era cun sustegn direct dad uniuns da dunnas ed autras uniuns els vitgs. Mintg'onn dat ei grilladas, uras cun giugs e movement. Gest il dar ballapei ei ina dallas occupaziuns preferidas dils affons. Gest ussa avon ch'il campiunadi mundial entscheiva muosann ils buobs lur talents en quella disciplina.

Vendergis vargau han ils affons pasentau el center da sport dil Prau la Selva a Flem. Els han strusch saviu calar da dar unihoc. Giugs cun balla ei dil remeind ina causa speciala pils Bieloruss. En lur vitgs dat ei hallas da gimnastica, denton senza cundrez e material. Duront la viseta da recogniziun hagian ins declarau ad els ch'ei detti gnanc ina suletta balla els vitgs silla tiara, rapportan ils coordi-



In attractiv giug da balla: El center da sport Prau la Selva a Flem han ils affons gudiu da dar unihoc. FOTOS MAD

natura dad Agid a Tschernobil Surselva. Mintg'onn igl arun viseta ina delegaziun dalla Surselva la regiun da domicili dils affons ella Bielorussia. Ferton ch'els affons dils marcaus han strusch quitaus da ma-

terial ed infrastruttura, mauncan els vitgs semplas causas che secapeschan tier nus da sesez. Probabel tuorna enqual affon loschamein a casa cun ina endretga balla da dar ballapei.

reclama

ERFRISCHEND GÜNSTIG.

Gültig vom 30.5. bis 5.6.



Lammfleisch frisch Neuseeland Nierstück per kg

41.-



Eisbergsalat «Fresh & Quick» geschnitten Beutel à 250 g

1⁸⁰



Ostschweizer Pouletschnitzel Geflügelfleisch aus der Region, in der Schale per 100 g

2⁷⁵ statt 3.40



SOLANGE VORRAT Pazifischer Rauchlachs Coho im Duo-Pack hergestellt in der Schweiz mit pazifischem Wildlachs aus Alaska per 100 g

5⁵⁰ statt 7.60



SOLANGE VORRAT 3 für 2 Alle Energy Drink Packung à 3 x 330 ml Beispiel: Energy Drink Erabeer 3 x 330 ml

2⁶⁰ statt 3.90



Pfirsiche gelb aus Spanien per kg

3⁴⁰



Bananen Mittelamerika per kg

2⁴⁰



SOLANGE VORRAT Mozzarella St. Lucia Packung à 3 x 150 g

5.- statt 6.60

MIGROS

SO ODER SO

Genossenschaft Migros Ostschweiz



Annamaria Durschei da Segnas, Annamaria Manetsch da Mompé-Medel e Carolina Morgenthaler da Mustér. MAD

20 000 uras lavor voluntaria

Bien onn da gestiun per las uniuns da samaritans grischnas

■ (lg) Dacuort ha giu liug a Claustra la radunonza da delegadas e da delegai dall'Uniun cantunala da samaritans. L'uniun ha fatg in avanzament el quen annual da 20 000 francs e honorau divers persunas per lur engaschament. Igl onn vargau han ils strusch 2000 commembers dallas 88 uniuns samaritanas fatg buca meins che 20 000 uras lavor voluntaria. Ultra da quei han ins realisau dapli cuors d'emprem agid. La suprastanza ei vegnida augmentada per ina persuna. Monica Thöny tgrida da niev il resort concurrenzas svizras da sa-

maritans. Il post dalla vicepresidenta, Hedi Putzi, ch'ei stada 20 onns ella suprastanza vegn exequius ad interim da Dionys Steger. L'uniun grischna ha undrau 19 persunas per in engaschament da 25 ni 15 onns cun la medaglia da Henry-Dunant. Per la Surselva ein quei: Hermina Pally da Glion, Annamaria Durschei da Segnas, Annamaria Manetsch da Mompé-Medel, Carolina Morgenthaler da Mustér, Clemens Caduff e Franz Coray da Ruschein, Martin Capaul e Fritz Tönz da Val Sogn Pieder.



Era Clemens Caduff e Franz Coray da Ruschein ein vegni undrai cun la medaglia da Henry-Dunant. FOTOS MAD